

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK

Prijava koncentracije privrednog subjekta "ANEKS" d.o.o. Banja Luka, i privrednog subjekta "DUOS" d.o.o. Istočno Sarajevo

**Sarajevo,
maj 2013. godine**



Broj: 06-26-1-006-13-II/13
Sarajevo, 16. maj 2013. godine

Na osnovu člana 25. stav (1) tačka e), člana 42. stav (2), a u vezi s čl. 12., 14. i 16. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta «ANEKS» društvo za ograničenom odgovornošću za telekomunikacije, Majke Jugovića 25, 78000 Banja Luka, podnesenu po advokatu Seadu Miljkoviću, Zmaja od Bosne 7, 71000 Sarajevo, Konkurencijsko vijeće Bosne i Hercegovine, na 60. (šezdesetoj) sjednici održanoj dana 16. maja 2013. godine, je donijelo

Z A K L J U Č A K

1. Odbacuje se Prijava koncentracije privrednog subjekta «ANEKS» društvo za ograničenom odgovornošću za telekomunikacije, Majke Jugovića 25, 78000 Banja Luka, i privrednog subjekta Društvo za proizvodnju, promet, usluge i marketing «DUOS» Pale, Karadorđeva 25, 71420 Pale, od strane privrednog subjekta «ANEKS» društvo za ograničenom odgovornošću za telekomunikacije, Majke Jugovića 25, 78000 Banja Luka, radi neispunjavanja uslova iz člana 14. stav (1) Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 15. aprila 2013. godine pod brojem: 06-26-1-006-II/13, Prijavu koncentracije (u daljem tekstu: Prijava) privrednog subjekta «ANEKS» društvo za ograničenom odgovornošću za telekomunikacije, Majka Jugovića 25, 78000 Banja Luka (u daljem tekstu: Podnosilac prijave ili «ANEKS»), i privrednog subjekta Društvo za proizvodnju, promet, usluge i marketing «DUOS» Pale, Karadorđeva 24, 71420 Pale (u daljem tekstu: «DUOS»), podnesenu po advokatu Seadu Miljkoviću (punomoć izdana od privrednog subjekta «ANEKS» dana 08. marta 2013. godine, broj: 2131/13), Zmaja od Bosne 7, 71000 Sarajevo.

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekata («Službeni glasnik BiH», broj 30/10), te je zatražilo dopunu iste, u skladu sa članom 31. Zakona, aktom broj: 06-26-1-006-1-II/13 dana 16. aprila 2013. godine.

Podnosilac prijave je dostavio traženu dokumentacije, podneskom broj: 06-26-1-006-9-II/13 dana 26. aprila 2013. godine.

Nakon kompletiranja Prijave Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 14. maja 2013. godine broj: 06-26-1-006-11-II/13.

Podnosilac prijave je naveo, u smislu člana 30. stav (2) Zakona, da nema obavezu podnijeti zahtjev za ocjenu koncentracije nekom drugom tijelu za konkurenciju izvan Bosne i Hercegovine.

Konkurencijsko vijeće u postupku ocjene Prijave je utvrdilo sljedeće činjenice:

Predmetna Prijava je podnesena, u smislu člana 16. stav (2) Zakona (namjeravana koncentracija s pravnim osnovom Pismom namjere).

1. Učesnici predmetne koncentracije

Učesnici predmetne koncentracije su privredni subjekt “ANEKS” društvo za ograničenom odgovornošću za telekomunikacije, Majke Jugovića 25, 78000 Banja Luka, i privredni subjekt Društvo za proizvodnju, promet, usluge i marketing “DUOS” Pale, Karadorđeva 25, 71420 Pale.

1.1. Privredni subjekt “ANEKS” d.o.o. Banja luka

Privredni subjekt “ANEKS” društvo za ograničenom odgovornošću za telekomunikacije, Majke Jugovića 25, 78000 Banja Luka, je osnovan 1992. godine i registrovan u Osnovnom sudu Banja Luka, pod brojem: 1-3645-00 dana, sa osnovnim kapitalom od (..)**¹ KM, i sa (..)**% vlasničkih udjela privrednog subjekta Telekom Slovenije d.d. Ljubljana, Cigaletova 15, 1000 Ljubljana, Republika Slovenija.

Pretežne registrovane djelatnosti privrednog subjekta “ANEKS” su kablovska distribucija radio i televizijskog programa /signala, razvoj kompjuterske mreže, trgovina na veliko kompjuterima i perifernom opremom i softverima, kao i pružanje usluga iz oblasti telekomunikacija.

Privredni subjekt “ANEKS” ima poslovnu jedinicu u Sarajevu, Tešanjaska 24a, 71000 Sarajevo (porezni broj: 4400999050029).

Privredni subjekt “ANEKS” od dana 12. aprila 2002. godine ima Opću dozvolu za pružanje internet usluga, kao i dozvolu za javnog mrežnog operatera za pružanje fiksnih telefonskih usluga u narednih 10 godina, od dana 08. maja 2006. godine izdanu od Regulatorne agencije za komunikacije Bosne i Hercegovine (u daljem tekstu: RAK). Također, privredni subjekt “ANEKS” ima dozvolu za obavljanje djelatnosti operatera javnih elektronskih komunikacijskih mreža izdanu od RAK-a (broj: 18/13, rješenje broj UPI: 02-07-121/13 od dana 01. aprila 2013. godine), dozvolu za distribuciju audiovizuelnih medijskih usluga radija (broj: 322 – DP, Rješenje broj UPI-02-07-162/13 od dana 04. februara 2013. godine).

Privredni subjekt “ANEKS” prodaju svojih proizvoda obavlja u vlastitim prodajnim mjestima u gradovima Banja Luka, Sarajevo, Kotor Varoš, Prijedor i Višegrad, a na osnovu zaključenih ugovora o saradnji u Bosanskoj Gradiški, Srbcu i Prnjavoru.

1.2. Privredni subjekt “DUOS” d.o.o. Pale

Privredni subjekt Društvo sa ograničenom odgovornošću za proizvodnju, promet, usluge i marketing “DUOS” Pale, Karadorđeva 24, 71420 Pale, je registrovan u Okružnom privrednom sudu Istočno Sarajevo, pod brojem: 61-01-0044-11 (stari broj: 1-24-69) u 2006. godini, osnovan od fizičkog lica Željka Debelnogića ((..)**, 71420 Pale – lična karta broj: (..)**) sa upisanim osnovnim kapitalom od (..)**KM.

¹ (..)**- Podaci predstavljaju poslovnu tajnu, u smislu člana 38. Zakona

Pretežne registrovane djelatnosti privrednog subjekta "DUOS" su usluge iz sektora telekomunikacije (kablovska distribucija radio i televizijskog signala /programa).

Privredni subjekt "DUOS" ima Opću dozvolu za javnog mrežnog operatera izdanu od RAK-a (od dana 01. januara 2007. godine broj: DMOL-TS/046-03) i dozvolu (346 – DP – Rješenje broj: UP1-2-07-113 od dana 18. januara 2013. godine) za distribuciju audiovizuelnih medijskih usluga i medijskih usluga radija za 2013. godinu.

Privredni subjekt "DUOS" pruža usluge kablovske televizije isključivo na području Općine Pale i Općine Rogatica.

Privredni subjekt "DUOS" ima više od 10,0% vlasničkih udjela u osnovnom kapitalu, odnosno 10,0% prava glasa u:

- privrednom subjektu Društvo sa ograničenom odgovornošću za unutrašnju i spoljnu trgovinu Fonlider, Karadorđeva 2, 71420 Pale (u daljem tekstu: Fonlider), registrovanom u Okružnom privrednom sudu Istočno Sarajevo, pod brojem: 61-01-0010-11 (stari broj: 1-20-92), sa osnovnim kapitalom od (..)KM, i osnovan od fizičkog lica Rade Jovičića sa (..)%% vlasničkih udjela i fizičkog lica Željka Debelnogića ((..)%, 71420 Pale – lična karta broj: (..)%) sa (..)%% vlasničkih udjela u osnovnom kapitalu;
- privrednom subjektu Fonlider plus društvo sa ograničenom odgovornošću za marketing, unutrašnju i spoljnu trgovinu Fonlider, Kolodvorska 11 a, 71000 Sarajevo (u daljem tekstu: Fonlider plus) registrovanom u Općinskom sudu Sarajevo, pod brojem: 61-01-0010-11 (stari broj: 1-20-92), sa osnovnim kapitalom od 10.000,00 KM, i osnovan od fizičkog lica Rade Jovičića sa 70,0% vlasničkih udjela i fizičkog lica Željka Debelnogića ((..)71420 Pale – lična karta broj(..)%) sa (..)%% vlasničkih udjela u osnovnom kapitalu.

Pretežne registrovane djelatnosti privrednog subjekta Fonlider i privrednog subjekta Fonlider Plus su izrada softvera, iznajmljivanje tehničkih kapaciteta, usluge korištenja interaktivnog govornog aparata i putem telefona (govorne i SMS usluge poslovnog i zabavnog karaktera).

2. Privredni subjekt Telekom Slovenije

Privredni subjekt Telekom Slovenije d.d. Ljubljana (broj registarskog uložka: 12462400 i matični broj: 5014018000), Cigaletova 15, 1000 Ljubljana, Republika Slovenija, je upisan u sudski registar dana 01. oktobra 1993. godine, s osnovnim kapitalom od (..)KM (EUR (..)%) i vlasničkim udjelom od 64,54% Republike Slovenije.

Pretežne registrovane djelatnosti privrednog subjekta Telekom Slovenije su pružanje usluga u oblasti telekomunikacija (uključujući usluge fiksne i mobilne telefonije, internet usluge, obradu podataka i distribuciju kablovskog interneta).

2.1. Druga povezana društva privrednog subjekta Telekom Slovenije u Bosni i Hercegovini

Privredni subjekt "SiOL" društvo sa ograničenom odgovornošću za pružanje telekomunikacijskih usluga Sarajevo, Tešanjaska 24a, 71000 Sarajevo (u daljem tekstu: "SiOL"), registrovan u Općinskom sudu Sarajevo pod matičnim brojem: 65-01-0671-11, sa osnovnim kapitalom (..)KM i sa (..)%% vlasničkih udjela privrednog subjekta Telekom Slovenije.

Pretežne registrovane djelatnosti privrednog subjekta "SiOL" su proizvodnja komunikacijske

opreme, trgovina na veliko i malo telekomunikacijskom opremom, emitovanje /distribucija radio i televizijskog programa /signala, djelatnosti žičane i bežične telekomunikacije.

Privredni subjekt "SiOL" se ne bavi pružanjem bilo koje vrste telekomunikacijskih usluga krajnjim korisnicima niti ima dozvole izdane od RAK-a za pružanje navedenih usluga.

Član uprave privrednog subjekta "ANEKS", Igor Bohorč je ujedno i član Uprave privrednog subjekta "SiOL".

3. Pravni osnov i oblik predmetne koncentracije

Pravni osnov namjeravane koncentracije, u smislu člana 16. stav (2) tačka Zakona definisan je u članu 8. tačka f) alineja 5. Odluke o načinu podnošenja prijave i kriterijima za ocjenu koncentracija privrednih subjekata.

Pravni osnov namjeravane koncentracije je Pismo namjere o kupoprodaji osnovnih sredstava (u daljem tekstu: Pismo namjere) potpisano od g-dina Igora Bohorča direktora privrednog subjekta "ANEKS", i g-dina Željko Debelnogića, direktora privrednog subjekta "DUOS", dana 11. aprila 2012. godine

Privredni subjekt "ANEKS", namjerava kupiti osnovna sredstva i pripadajuću opremu, odobrenja, licence, ateste i druge saglasnosti i prava koja se odnose na predmetna osnovna sredstva, a koja se koriste za obavljanje djelatnosti telekomunikacija na teritoriji Općine Pale i Općine Rogatica.

Namjeravana koncentracija predstavljaju preuzimanje osnovnih sredstva koja se sastoje od infrastrukturnih objekata – distributivnih sistema na području Općine Pale i Općine Rogatica, odnosno preuzimanje mreže /korisnika, na kojima je privredni subjekt "DUOS" nosilac prava vlasništva i nosilac prava obaveza prema rješenjima nadležnih tijela.

Ugovorne strane će nakon odobrenja ove koncentracije od Konkurencijskog vijeća u svrhu definisanja detaljnih uslova transakcije potpisati poseban Ugovor o kupoprodaji.

S obzirom da se ne radi o kupovini vlasničkih udjela u privrednom subjektu "DUOS" već kupovini osnovnih sredstava, vlasnička struktura (nakon provedbe koncentracije) ostaje nepromjenjena, odnosno fizičko lice Željko Debelnogić i dalje će imati (..)**% vlasničkih udjela.

U skladu sa članom 12. stav (1) tačka b) Zakona pravni oblik koncentracije predstavlja sticanje kontrole ili prevladajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata na drugi način u skladu sa odredbama Zakona.

4. Relevantno tržište predmetne koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitetu, uobičajnu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanja relevantnog tržišta, relevantno tržište u geografskom smislu obuhvata cjelokupan ili dio teritorija Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Relevantno tržište usluge predmetne koncentracije smatra se tržište distribucije radio i televizijskog programa /signala .

Relevantno tržište u geografskom smislu predmetne koncentracije smatra se područje Republike Srpske, te Općine Pale i Općine Rogatica (naosnovu djelovanja privrednog subjekta “DUOS”).

Slijedom navedenoga, pod relevantnim tržištem predmetne koncentraciji smatra se tržište distribucije radio i televizijskog programa na nivou Republike Srpske, kao i na tržištu Općine Pale i Općine Rogatica.

4.1. Analiza relevantnog tržišta predmetne koncentracije

Konkurencijsko vijeće u analizi relevantnog tržišta, pored podataka iz Prijave, u cilju provjere istih je zatražilo podatke od RAK-a) (aktom broj: 06-26-1-006-4-II/13 od dana 19. aprila 2013. godine – podaci dostavljeni podneskom broj: 06-26-1-006-7-II/13 od dana 26. aprila 2013. godine), privrednog subjekta Pošta Srpske d.d. Banja Luka – RJ Istočno Sarajevo, aktom broj: 06-26-1-006-5-II/13 od dana 19. aprila 2013. godine - podaci dostavljeni podneskom broj: 06-26-1-006-10-II/13 od dana 07. maja 2013. godine), privrednog subjekta Total TV BH d.o.o. Telekomunikacije Banja Luka (u daljem tekstu: Total TV) (aktom broj: 06-26-1-006-3-II/13 od dana 19. aprila 2013. godine – podaci dostavljeni podneskom broj: 06-26-1-006-6-II/13 od dana 26. aprila 2013. godine), privrednog subjekta Telekomunikacije Republike Srpske – M:tel Banja Luka (u daljem tekstu: M:tel) (aktom broj: 06-26-1-006-2-II/13 od dana 19. aprila 2013. godine – podaci dostavljeni podneskom broj: 06-26-1-006-8-II/13 dana 26. aprila 2013. godine).

Prema podacima iz Prijave učesnici koncentracije, odnosno privredni subjekt “ANEKS” na relevantnom tržištu Republike Srpske ima tržišni udjel oko (.)**% ((.)**pretplatnika), dok privredni subjekt “DUOS” ima tržišni udjel do (.)**% (ukupno (.)**pretplatnika).

Učesnici koncentracije privredni subjekt “ANEKS” i privredni subjekt “DUOS” na relevantnom tržištu - Općine Pale i Općine Rogatica u 2012. godini imaju:

Tabela 1.

R.b	Privredni subjekt/ kablovski operater	Općina Rogatica		Općina Pale	
		Broj pretplatnika	Tržišni udjel	Broj pretplatnika	Tržišni udjel
1.	“DUOS”	(.)**	(.)**%	(.)**	(.)**%
2.	“ANEKS”	-	-	-	-
3.	Ostali	(.)**	(.)**%	(.)**	(.)**%
	UKUPNO	1.234	100,00%	3.446	100,00%

Izvor: podaci iz Prijave; analiza Konkurencijskog vijeća na osnovu podataka od tržišnih konkurenata i RAK-a

Prema podacima (Tabela 1.) privredni subjekt “DUOS” na području Općine Rogatica ima (.)**% tržišnog udjela, a na području Općine Pale ima (.)**% udjela, dok privredni subjekt “ANEKS” ne djeluje na relevantnom tržištu u tim općinama.

5. Ocjena namjeravane koncentracije

Obaveza prijave koncentracije nastaje, u smislu odredbe člana 14. stav (1) Zakona, kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji, i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udjel na relevantnom tržištu veći od 40%.

Ukupni godišnji prihodi privrednih subjekata učesnika predmetne koncentracije (i povezanih privrednih subjekata), na dan 31. decembra 2012. godine, iznose:

Tabela 2.

KM	Telekom Slovenije	“ANEKS”	“DUOS”	Povezana društva privrednog subjekta “DUOS”
Svijet	(..)**	(..)**	-	-
Bosna i Hercegovina		(..)**	(..)**	(..)**

Izvor: podaci iz Prijave; * ukupan prihod za 2012. godinu - (..)**KM

Godišnji prihod učesnika (Tabela 2.) predstavlja ukupan prihod (bez poreza na dodatnu vrijednost i drugih poreza koji direktno odnose na učesnika koncentracije, na svjetskom i na tržištu Bosne i Hercegovine, u smislu člana 14. stav (3) Zakona.

Konkurencijsko vijeće u izračunavanju ukupnog prihoda je uzelo u obzir da g-din Željko Debelnogić (vlasnik privrednog subjekta “DUOS”) ima (..)**% vlasničkih udjela u privrednom subjektu Fonlider i privrednom subjektu Fonlider Plus, te slijedom vlasničkog udjela procijenilo da ostvaruje godišnji prihod od (..)**KM (privredni subjekt Fonlider je ostvario ukupan prihod od (..)**KM u 2012. godini) i (..)**KM (privredni subjekt Fonlider Plus je ostvario ukupan prihod (..)**KM u 2012. godini), te da ukupan godišnji prihod navedenih privrednih subjekata iznosi (..)**KM.

Slijedom navedenog učesnici koncentracije ne ispunjavaju uslov ukupnog godišnjeg prihoda, iz člana 14. stav (1) tačka b) Zakona, te nisu bili u obavezi podnijeti prijavu koncentraciju.

Također, učesnici koncentracije nisu ispunili niti uslov u vezi tržišnog udjela za prijavu koncentracije jer njihov zajednički tržišni udjel na relevantnom tržištu nije veći od 40,0% (Tabela 1.), u smislu člana 14. stav (1) tačka b) Zakona.

Uzimajući u obzir navedeno Konkurencijsko vijeće je odlučilo kao u dispozitivu ovog Zaključka.

6. Administrativna taksa

Podnosilac prijave na ovaj Zaključak, u skladu sa članom 2. stav (1) tarifni broj 108. tačka c) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

Predsjednica

Gordana Živković